

67. Fundur sveitarstjórnar Langanesbyggðar, haldinn fimmtudaginn 22. nóvember 2012, kl.17:00 í félagsheimilinu Þórsveri.

Mætt eru: Siggeir Stefánsson, Ævar Rafn Marinósson, Dagrún Þórisdóttir, Indriði Þórsoddsson, Nanna S. Höskuldsdóttir, Gunnólfur Lárusson og Sigríður Jóhannesdóttir sem ritaði fundargerð.

Oddviti setti fundinn, bauð fundarmenn velkomna og spurði hvort gerðar væru athugasemdir við fundarboð. Svo var ekki.

DAGSKRÁ:

1. Fundargerð sveitarstjórnar dags. 08.11.2012

Lögð fram til kynningar

2. Fundargerð umhverfis-og skipulagsnefndar dags. 09.11.2012

Sveitarstjóri benti á að liður tvö verði að bíða afgreiðslu þar sem skipulagsstofnun óskaði eftir frekari gögnum. Samþykkt samhljóða.

Fundargerðin lögð fram til kynningar.

3. Fundargerð sveitarstjórnar (aukafundur) dags. 13.11.2012

Lögð fram til kynningar

4. Fundargerð stjórnar samtaka sjávarútvegssveitarfélaga dags. 22.10.2012

Lögð fram til kynningar

5. Fundargerð stjórnar samtaka sjávarútvegssveitarfélaga dags. 07.11.2012

Lögð fram til kynningar

6. Fundargerð heilbrigðiseftirlits Norðurlands eystra dags.12.09.2012

Lögð fram til kynningar

7. Fundargerð heilbrigðiseftirlits Norðurlands eystra dags. 03.10.2012

Lögð fram til kynningar

8. Skýrsla sveitarstjóra.

Sveitarstjóri flutt skýrslu sína og svaraði fyrirspurnum.

- Sveitarstjóri kynnti breytingar á skólabjónustu samkvæmt upplýsingum frá Bergi Elíassyni bæjarstjóra Norðurþings sem hann sendi í tölvupósti eftir að gögnin voru send út til sveitarstjórnarmanna. Vilji fyrir áframhaldandi samstarfi. Endanleg ákvörðun verður tekin þegar liggja fyrir drög að samningi og kostnaðaráætlun.
- Sveitarstjóri lagði fram fyrirmynd að samþykktum um stjórn sveitarfélaga gerðar af Innanríkisráðuneytinu. Vinna er hafin við nýjar samþykktir fyrir Langanesbyggð sem tekur mið af þessari fyrirmynd. Drög að nýjum samþykktum fyrir Langanesbyggð verða lögð fyrir þá nefnd sem er að vinna í samþykktum nefnda.
- Sveitarstjóri sagði frá því að Sigríður hafi fundað vegna aldurstakmarks í félagsheimilinu og væri sú vinna enn í gangi.
- Sveitarstjóri sagði frá vinnu vegna fjárhagsáætlunar en nú væri megnið af rekstrinum kominn inn ásamt nauðsynlegu viðhaldi og leggur hann til að hafa vinnufund næsta miðvikudag kl 17:00.
- Sveitarstjóri sagði frá stöðu aðalskipulags.

Nanna sagði frá fundi héraðsnefndar sem haldinn var í gær.

9. Bréf frá Guðmundi Vilhjálmssyni dags. 08.11.2012

Þar er vísað til svars við spurningunni í svörum við athugasemdum vegna aðalskipulagsins. Lagt fram til kynningar.

10. Bréf frá Markaðsstofu Norðurlands dags. 30.10.2012

Í bréfi Markaðsstofu er verið að óska eftir endurnýjun á samstarfssamningi til ársloka 2015. Sveitarstjóri leggur til að erindinu verði vísað til atvinnu-menningar-og ferðamálanefndar til umsagnar. Nefndin er jafnframt hvött til þess að vinna þetta í samstarfi við hagsmunaaðila á staðnum. Ljóst er að það séu orðnir nokkrir klasar á svæðinu og það þarf að athuga hvað af þessu þjónar Langanesbyggð best. Samþykkt samhljóða.

11. Umsókn um styrk vegna starfsemi Landsbyggðin lífi dags. 02.11.2012

Sveitarstjórn sér ekki fært að verða við erindinu. Samþykkt samhljóða.

12. Bréf frá Stígamótum um fjárbeiðni fyrir ári 2013

Sveitarstjórn ákveður að styrkja Stígamót um 10 þúsund kr. Samþykkt samhljóða.

13. Erindi frá Marinó Jóhannssyni dags. 18.11.2012

Ævar benti á mögulegt vanhæfi sitt í þessum lið. Fundarmenn samþykktu það samhljóða.

Ævar vék af fundi.

Í erindi Marinós er hann að óska eftir leiðaskilti fyrir afleggjarann heim í Tungusel og Hallgilsstaði, þar sem núverandi skilti er úrelt. Sveitarstjórn tekur vel í erindið og er falið að athuga hvort þetta vanti á fleiri stöðum og gert verði ráð fyrir þessu í fjárhagsáætlun 2013. Samþykkt samhljóða.

Ævar kom á fundinn aftur

Fundargerðin upplesin og samþykkt samhljóða

Fundi slitið kl 19:10